

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars secunda, hoc est:
Solida, ad discendam & exercendam, ex evangeliis tam
dominicalibus quam festivalibus Christi & sui-ipsius
notitiam, informatio**

Creide, Hartmann

Francofurti ad Moenum, 1682

Exordium

[urn:nbn:de:bsz:31-126164](https://nbn-resolving.org/urn:nbn:de:bsz:31-126164)

in nos effundere potuit, quàm incarnatione filii sui, 1. Joh. 4. v. 9.

Utrumque igitur credendum est nobis, & quod Servator noster verus Deus sit à patre ab æterno genitus, Psal. 2. v. 7. Hinc Ignatius : *Qui tollit divinitatem Christi, Diabolus est, & hostis omnis justitie* : Et quod verus homo sit, semen mulieris, Gen. 3. v. 15. fructus ventris Mariæ, Luc. 1. v. 42. Justum germen Davidis, Jerem. 23. v. 5. Nam ut Damascenus ait : τὸ ἀπρόσκλητον ἀδιεργάτευτον, quod non assumptum non curatum. Propterea Diabolos in æternum damnatos esse oportet, quoniam non Angelos, sed semen Abrahæ Christus assumpsit, Hebr. 2. v. 16. Qui hoc novit, satis

doctus est ad regnum cœlorum, Matth. 13. v. 52. gratusque erit Christo Servatori. Quando igitur die ultimo post Johannem venturus est, dividens dolores furoris sui, super omnes, qui hunc primum & novissimum despexerunt, ejusque verba perverterunt : hos, qui notitiam ipsius probè didicerunt, donabit perfectâ justitiâ, Sap. 15. v. 3. & in æternam gloriam introducet, ubi non ex parte cognoscemus, 1. Cor. 13. v. 10. sed omnes à Deo docti, Jer. 31. v. 34. Dominum sicuti est videbimus, 1. Joh. 3. v. 2. imò à facie ad faciem, 1. Cor. 13. v. 12. Quod largiatur nobis cœlestis Pater, per Dominum & Servatorem nostrum, Jesum Christum in Spiritu Sancto, Amen.

In Festo Nativitatis Christi.

Evangelium Luc. 11. v. 1. usq. ad 15.

EXORDIUM.

Cum Patriarcha Jacobus, aliquando rure sub dio pernoctaret, tulit de lapidibus, qui jacebant, & supponens capiti suo, dormivit in eodem loco. Viditq; in somnis scalam stantem super terram, & cacumen illius tangens cœlum : Angelos quoque Dei ascendentes & descendentes per eam ; & Dominum innixum scalæ dicentem sibi : Ego sum Dominus Deus Abraham, patris tui, & Deus Isaac. Terram, in qua dormis, tibi dabo, & semini tuo. Eritque semen tuum sicut pulvis terræ ; dilataberis ad Orientem & Occidentem, & Septentrionem & Meridiem : benedicentur in te, & in semine tuo cunctæ tribus terræ, Gen. 28. v. 11. & seqq.

Hæc mysticè intelligenda veniunt.

Nam somnium hominis non scriberetur, nisi

magnum pietatis mysterium in eo præfiguraretur, Augustinus ait.

1. *Ratione facti.* Nam τ. cœlum aperiēbatur. Sic æternus Dei Filius in incarnatione sua quasi cœlum dirupit, Es. 45. 8. & 64. v. 1. & pastores in regione Bethlehemiticâ claritate sua circumfulsit, Luc. 2. 9. ut indicaret, se esse Dominum de cœlo, 1. Cor. 15. v. 47. splendorem gloriæ, & characterem substantiæ ejus, Hebr. 1. v. 3.

2. *Scala stabat super terram, & cacumen illius tangebatur cœlum.* Sic Christus est justum germen Davidis, & tamen quoque Jehova Zidkenu, Jehova justitia nostra, Jer. 23. v. 5.

3. *Scala habebat duo ligna erecta, statuta, quæ per transversalia connexa erant, & scalam constituēbant.* Sic in Christo due sunt naturæ, divina & humana.

Sola

Sola divina non potuit nos transferre in cœlum, neque sola humana; propterea Messiam oportebat *θεὸς ὁμοιωθεὶς* esse in una persona: Deum quidem; ut posset obsignare peccatum, expiare iniquitatem, & adducere justitiam sempiternam, Daniel. 9. vers. 24. hominem; ut pati & mori posset. Sine sanguinis effusione enim nulla fit remissio, Hebr. 9. vers. 22.

4. Scala distinctos habet gradus: sic Servator noster à primo conceptionis gradu paulatim altius ascendit, donec reseat ad dexteram Dei Patris, super omnem principatum, & potestatem, & virtutem, & dominationem, & omne nomen, quod nominatur non solum in hoc seculo, sed & in futuro, Eph. 1. v. 20. 21.

II. *Ratione benefacti.* Beneficia enim incarnationis sunt

1. *Cœli referatio*, quod propter peccata clausum erat. Genes. 3. vers. 24. Sed hodie cœlum referatur & panditur. *Scala paradisi fracta in Adamo, reparata est in Christo*, ut angeli Dei ascendunt & descendunt super filium hominis. Johan. 1. v. ult.

2. *Patris reconciliatio.* Sicuti enim Deus Pater etiam in hac scala apparebat, dum scalæ innixus, promittebat Patriarchæ, quod in semine ipsius cunctæ tribus terræ benedicendæ sint, Gen. 22. v. 18. Sic cœlestis ille Pater erga lapsam genus humanum se declarat, quod futurus sit nobis in patrem, & nos futuri simus ipsi in filios & filias, 2. Cor. 6. v. 16. Christus enim, cujus natalem hodie celebramus, est unus homo in gratia, Rom. 5. v. 15. in quo nos gratificavit Pater. Eph. 1. v. 6.

3. *Angolorum associatio.* Sicuti enim

Angeli in scala Jacobæ ascendunt & descendunt: Sic Christus sanctissimâ incarnatione suâ acquisivit nobis, quod sancti angeli non ulterius hostes, sed coarservi nostri sint, Apocal. 22. v. 9. in ministerium emissi propter eos, qui hæreditatem capient salutis, Hebr. 1. v. 14. quos non modo in omnibus viis suis custodiunt, Psal. 91. v. 11. sed etiam in morte quoad animam, in sinum Abrahamæ portabunt, Luc. 16. vers. 22.

De summo hoc mysterio in ecclesia agitur, gratiosissimo hoc incarnationis festo, Domini & Servatoris nostri Jesu Christi, quod jam præsens est. Accessum igitur ad Evangelium nostrum facturi, ex instituto, juxta illud considerabimus:

I. *Ἀποστολολογία*, sive *notitiam nostri.*

II. *Χριστολογία*, sive *notitiam Christi.*

Sed ut tempori inferviamus, hæc vice priorem duntaxat partem enucleabimus: alteram in sequentem concionem rejecturi.

J. J.

Exegetis.

Omnia quæ filius Dei perfecit, eò spectant, ut propriam nostram imbecillitatem & inopiam consideremus, juxta illud Bernhardi: *Erubescite, superbe civis, Deum se humiliat, & tu te exaltabis?* Idem potius sentiamus in nobis, quod & in Christo Jesu, Phil. 2. v. 5. discentes ab ipso mansuetudinem & cordis humilitatem, Matth. 11. vers. 29.

Discimus autem ex præsentem Evangelio *notitiam nostri*, si examinamus

I. *Impo-*